

泰和縣志卷二十八

吉安府泰和縣知縣高陽冉棠重輯

人物志 雜紀

仙釋

晉

土子瑤 盧度

唐

泰和縣志

卷二十八

人物

仙釋

一

僧四祖

匡智

顏董羅三仙

陶皮二仙

王仙師

宋

溫道者

僧至誠

僧定光

僧進英

集道者

僧文悟

僧佛光

元

僧普照

雲半間

明

僧天洞

僧如能

國朝

僧中干

晉

主子瑤字大臯華陰人永嘉中自玉笥來廬陵南至小江憑竹而過至黃茆岡築壇醮籙感白鶴翔舞事聞賜名白鶴觀後遊義山心善就洞口建壇禮斗誦黃庭經玉女降九鼎丹方修煉四十八年值七月七白日上昇

淳熙志

按七月七日係王喬事舊志蓋因子瑤青同而傳

泰和縣志

卷二十八

人物

仙釋

二

會牽扯及之殊不足信

盧度字彥章□興人自幼修道晉元嘉時嘗從張永北侵魏永敗魏人追急至淮不得渡自誓若得免死從今不復殺生湏臾見兩盾流來接之得渡遂隱居三顧山出八鳥獸常隨夜有鹿觸其壁度曰毋壞我壁鹿應聲去屋前有池池有魚皆名呼之次第來取食逆知死歲月竟如期卒

淳熙志

唐

僧西祖□德中嘗駐錫潮山日坐禪寶峰之下石室□

□菴山巔菴成江水□□□□其聲急若潮故■

潮山淳熙志

匡智長安人貞觀間與姪大郎往廬山修養有一老人告以廬山陰地仙不可得南有名山盍往居之因至吉州望見義山過大江無渡見岍有雙竹藉以得濟忽有樵者引之登山曰此山安穩勉力精修語畢忽不見遂於送龍洞尾建第二壇朝夕禮斗又建丹井天降雙鯉其中越數年中元節上帝降仙衣二襲匡居衣其一足下雲生上昇而去大郎出遊暮歸聞空

泰和縣志

卷二十八

人物

仙釋

三

中語曰仙衣已降汝不能受今為地仙矣大郎□立第三壇朝夕禮斗次年七月七日忽尸解鄉人塑像立祠祀焉胡銓廟碑記

顏董羅三仙不知何時人皆於縣北龍門山學仙□太原觀有丞相牛僧儒碑記淳熙志

陶皮二仙不知何時人於武山仙去丹灶尚存今□□其最高峰曰武婆岡淳熙志

王仙師失其名仙槎石頭步人有墓在每歲祈雨

履長尺二寸掛於墓多應驗淳熙志

宋

溫道者名受龍泉人得念佛三昧不依師落髮自信吾
即佛母時人因呼道者宋至道元年入傳擔山結茅
菴撒菜豆蔴粟於山皆茂結又以泥裹茶子桃李核
投崕石中俱蕃庶其山多虎道者出入不忌凡祈求
於道者為禱輒應有時入巖石中取蓮藕花果遣人
有藍土二行者繼來師事之一日為鄉老蕭應求曰
吾有替人當遠去可速叙別亟往視之則於溪中磐
石上纍土為塔長揖跌坐塔中命衆人封錮口約後

泰和縣志

卷二十八

人物

仙釋

四

七日開既開已失所在獨遺布巾草履後應求之弟
浩以綱運至陳留市見之笑語如平生附口書與應
求及二僧其後藍行者坐化土行者隱葬於口函一
月開視之亦不見其處

淳熙志

僧至誠邑人自幼在荆南當陽山玉泉寺事神秀後至
韶陽叅請六祖祖曰汝師若何示衆對曰嘗口誨大
衆令住心觀靜長坐不卧祖曰住心觀靜是病非禪
長坐拘身於理何益聽吾偈曰生來坐不卧死去卧
不坐原是臭骨頭何用立口過師曰未審大師以

法誨人祖曰一切無心自心□□切無碍自性慧□
增不退自金剛身去身來本三昧師聞偈悔謝□誓
依皈即呈一偈曰五蘊幻身幻何究竟回趨真如法
還不靜祖然之尋回玉泉宏治志

僧定光同安人年十一出家於泉郡建興寺後至廬陵
叅西峰豁禪師至邑過懷仁渡時水暴漲人曰高漚
潭有蜃出為民害師投偈潭中水退洲起今龍洲是
也師留偈曰龍洲過縣前泰和出狀元龍洲接金魚
泰和出相儒龍洲接甌篋泰和佐皇帝又云龍洲過

泰和縣志

卷二十八

人物

仙釋

五

縣狀元出魚埧添兒宰相生鳩塔鏢飛遭火劫高漚

鐘響出公卿一一皆應

宏治志

僧進英珠林人出家龍安寺悟法於廬山歸宗寺得語
言三昧佛印名之曰英鐵嘴紹聖元年住潭州報恩
寺政和四年又住衡州花藥寺有語錄二卷宏治志

集道者真如菴僧禮亘菴為師有道行一日辭師遠遊
叅學師囑云一箇蒲團一把鋤從容密密下工夫因
緣佛法俱純熟收拾歸來一物無遊至廬山崇勝寺
悟道每日積柴一片既滿室辭衆架柴自焚其身火

中出偈云真如集道者萬緣都放下四方八面任縱
橫一輪明月當空掛噫誰肯當頭着眼觀所遺舍利
尚存塔中

康熙志

僧文悟邑人自幼不茹葷比長為念佛善友時青原信
道風鼎盛因落髮師事之自是遂通真趣既遊衡嶽
遍入禪會復還青原遂住吉水南岡既明教典頗通
儒書住山六年忽謂衆曰吾緣其在遊豐乎即之巘
山得源菴坐定良久乃索紙筆書四頌以遺友遂化
去時紹興四年有語錄二卷

淳熙志

泰和縣志

卷二十八

人物

仙釋

六

僧佛光邑人喜為詩從蘇養直遊祝髮於太為空印得
法於死心靈源遂以朝命住嶽麓山大光寺

康熙志

元

僧普照姓曾名福可本邑人祝髮紫桐院北遊禮澤菴
更名行滿號萬山元武宗聞其名召見賜賚甚厚仁

宗朝命趙孟頫記其功德

康熙志

雲半間元末邑人姓郭氏幼祝髮於三顧之護國寺長
厭其囂雜穿石鑿岳而居每食必分魚鳥一呼萬口
口鱗不爽其期誦經虎伏而聽揮塵乃去穴居數十

年有詩曰三山巉嶮一石巖老□□間雲半□□□

雲龍行兩去囿頭只有老僧閒故遂號曰雲半間郭子

章雲半
間傳

明

僧天同火菴口人住持茶山寺有至行宣廟召見官左

善世有勅碑存康熙志

僧如能號無學祝髮走袁州謁妙義師開悟心法誦楞嚴楞伽諸經通為解釋名曰接響尤善詩寂於曾城

江間江水忽漲中起一州謂之無學洲康熙志

泰和縣志

卷二十八

人物

仙釋

七

國朝

僧中千號賢公邑人受法于青原 居西昌之亦菴
菴為蕭太常士瑋所建嘗置賑獄義田又編輯同時
詩文為首山偶集寧都魏 序之

寺廟

良泉寺 在仁善鄉五都康熙志在桑林宋咸淳二年
建

柏木寺 在八都康熙志在白沙唐天成二年建宋淳
祐間重修

龍城寺 在八都康熙志在菰塘元延祐中建明洪武
元年重修

迎福寺 在仙槎鄉十都宏治志舊名寧福在寧村宋
治平間建明洪武中重修康熙志在三都

金相寺 在十一都康熙志舊名保寧菴在櫟樹林唐
天成二年建元至正間重修

崇興寺 在十三都宋治平中建康熙志在三都
南富寺 在十五都宋治平間建元至正中修康熙志
在三都

泰和縣志

卷二十八

雜紀

寺廟

八

圓通寺 在十七都康熙志在三都

西龍寺 在雲亭鄉二十九都唐會昌元年建宋咸淳
中重修康熙志在四都

天王寺 在三十五都宋紹興元年建元季兵燬明洪
武三年重修康熙志在五都

江東寺 在千秋鄉三十七都宋慶歷二年建元至正
二年重修康熙志在五都即古東泉院

興福寺 在三十七都宏治志作興福院唐上元中建
元泰定中重修寺傍有小塔一座梯級九層高十□

周圍五丈黃庭堅有□

三德寺 在三十八都宏治志在珠林舊名善集唐□

昌間建元至正二年修明萬歷間重修

古城寺 在三十九都宏治志在下睦即梁李遷仕集

城處唐上元間建宋治平間修葺元末兵燬明洪武

初重修

白泉寺 在三十九都唐上元間建宋德祐間重建

崇福寺 在四十都康熙志在羅團吳赤烏間建元至

正間重修

泰和縣志

卷二十八

雜紀

寺廟

九

洪山寺 在四十一都康熙志在五都

南豐寺 在四十三都宏治志在高坪唐上元元年建

元泰定中重修

新吳寺 在四十三都宏治志舊名石池院在新吳均

下宋紹興間建新志訖隆十四年重修

茶山寺 在四十四都康熙志在山東唐會昌中建元

至正三年重修

永濟菴 在四十四都磨車灣明隆慶間建

慈恩寺 在縣治東宏治志舊名福星唐乾符元年建

宋太宗祥符元年賜額後分為六院萬歷志在四十
五都明嘉靖中廢僅存普照院藏經閣

智林寺 在縣治西北宏治志一曰智林舊名閑林唐
上元元年建宋治平三年勅今額寺東有塔一座與
地藏大塔對峙宋宣和間建萬歷志小塔寺在四十
五都成化中塔頽寺廢明嘉靖中重建新塔高一十
二丈

惠寧菴 在北門外萬歷志在四十五都明嘉靖中建
萬歷中增修又有新佛閣在惠寧菴前跨官道

泰和縣志

卷二十八

雜紀

寺廟

十

普文菴 在鐘鼓樓左明隆慶中建萬歷中增修

懷仁菴 在龍洲上宏治志一名濟渡菴宋景定間建
臨大江懷仁渡故名世傳蛟為害有僧定光過解繚
繫蛟繫於菴後高漚潭後廢萬歷志在山川壇左明
嘉靖間建百年來龍洲諸菴寺盡風濤屢屢覆舟劉
應授倡建以鎮之自為記

覺皇菴 在龍洲上明萬歷中建

妙巖寺 在四十七都唐上元中賜額元至正中重修
覺堂寺 在信實鄉五十二都宏治志舊名報國院□

上元元年建宋咸淳間改今額

甘泉寺 在五十四都康熙志在甘竹唐曾昌二年建

宋治平三年勅改今額元大德中重修

心田寺 在千秋鄉五十六都宋治平中建明洪武元年重修

西溪寺 在五十七都宏治志舊名興福院宋嘉定間

建元至正間重修新志明洪武間改為西來寺解縉書額

觀山寺 在五十八都康熙志在七都

泰和縣志

卷二十八

雜紀

寺廟

十一

龍山寺 在六十一都康熙志在蜀江宋治平間建明初重修後歸靈巖寺

鴉山寺 在六十二都康熙志在八都

靈巖寺 在六十三都康熙志在仵塘唐咸通九年建元大德二年重修

覺海寺 在高行鄉六十四都宋大中祥符間賜額康熙志在八都

延壽寺 在六十六都康熙志在西坑唐天成間建宋治平三年重修後歸覺堂寺

薦福寺 在六十七都萬歷志宋咸淳中建明洪武中重修康熙志在大莊

清泉寺 在七十都康熙志在八都宋元豐中建

以上諸寺菴係萬歷志所載並按照鄉都明確可據故從之其康熙志續增者另附左方

普覺寺 在縣治東百步宏治志舊名清平唐上元元年建舊有塔燬於火宋治平二年勅改今額元豐中有持真宗仁宗宸翰三十軸昇寺僧楚金其徒惠思建閣藏之左有鐘樓右有圓通閣屹然對峙後有千

泰和縣志

卷二十八

雜紀

寺廟

十二

佛閣閣下為純白堂前有禪閣亭鐘樓上鐵鐘宋紹興間鑄王致堯銘明永樂中重鑄梁潛銘

地藏寺 在儒學右通志宋紹聖間建政和間修殿後有塔瘞佛牙舍利於內建炎兵火闌檻盡廢紹興癸酉忽見影於東南幽室人以為靈感

般若寺 在縣西魚池卷內宋大德間邑人康明達建明崇禎四年復修

金城寺 在磯頭塘萬歷間洪水衝決知縣王元瑞築堤修塔捍蔽一邑爰創金城寺下有新漲茅洲近民

爭取王令捐買贍寺禁人竊剗康熙時知縣田惟冀
有碑記

殊山寺 在長塘宋紹興間建元至正間重修

金文寺 在洞口唐天成間建宋治平三年賜額

護國寺 在三顧山下唐上元元年建宋治平四年賜

額元至正間重修

龍福寺 在上模里宋治平三年建

太寧寺 在沙村宋乾道二年建

柳條寺 在石陂宏治志舊名延壽宋紹興間建元大

泰和縣志

卷二十八

雜紀

寺廟

十三

德間重修

重興寺 宏治志舊名義安院在白沙宋咸淳間建

清林寺 宏治志在穆村唐天成間建

高漚寺 宏治志舊名休笑菴在龍洲濟渡菴後相傳

宋僧定光留口云高漚鐘響出公卿景泰中顏令置

鐘其上踰年邑宦位三孤者皆免乃悟出者黜也後

不復置鐘

圓通寺 在三都

西龍寺 在四都唐會昌元年建宋咸淳間重修

白泉寺 在水南宏治志作白泉院唐上元中建宋德
□祐元年重修

洪山寺 在四十一都康熙志在五都

方里寺 康熙志在六都唐會昌元年建宋治平三年
重修洪武間歸覺堂寺

惠隆院 在觀山宋治平三年建中有爽軒黃庭堅留
題元大德中重修

紫桐院 今名紫桐寺在雲亭蕩原孫吳赤烏三年建
唐天成宋治平兩修之元時邑士曾福可祝髮為僧

泰和縣志

卷二十八

雜紀

寺廟

十四

更名行滿者得寵于元武宗仁宗詳趙孟頫所記功
德碑碑在燕洪武間歸龍福寺新志順治間復興邑
令田惟冀有記

南臺院 在冠朝唐上元元年建元至正二年修明洪
武二十四年立為叢林尹直有詩

彰法院 在高龍後唐天成間建宋治平三年賜額明
天順間修尹直楊光弼來遊觴咏為樂號曰雲亭雅
集直詩有簷前晝寂風鈴細砌下香傳月桂清之句

□□□□在下堡後唐天成間建宋治平三年改今□

明洪武三年重修

仁基院 在八都唐建宋末圯元至正間張永年重修
楊植有記

隆福院 在賭陂宋治平間建元至正間重修後歸清
林寺相傳周益大微時宿此與神人過遂名其地
康熙志

清雲院 在清涼山宏治志元至順間建僧龍虎二司
開基每以符水濟人鑿并投符聽人自汲旁塑漢壽
亭侯像鎮之

泰和縣志

卷二十八

雜紀

寺廟

十五

慈福院 康熙志在二都唐永嘉二年建所鑄銅鐘一
夕失去後得之江中缺其耳相傳與龍鬪今鐘步是
也宋紹興二年重建洪武三年重修

石臺院 在三都宏治志在十二都唐會昌間建宋淳
熙中遷於桃源溪邊明洪武九年重修溪中有石盤
其狀平如几案因以得名劉崧詩一片石臺秋水中
即此

首山菴 康熙志在西一畷明太常寺卿蕭士瑋靜室
從子伯升□為禪林開堂接衆稱邑名刹西有陶菴

建太慈閣

以上各寺菴院係康熙志續增而以宏治志証之
據田惟冀稱所載□燬無存故於各院照通志刪
本存之間補一二不敢混列也

延真觀 在縣西黃茆岡宏治志相傳晉永嘉中王子
瑤築壇於此白鶴翔集唐宏道間立白鶴觀宋至道
間改名洞虛治平間又改今名明永樂八年修內有
紫微閣明梁潛記文昌閣王直記成化九年建玉皇
閣後災殿復建又有真武閣在迎恩橋畔跨官道

泰和縣志

卷二十八

雜紀

寺廟

十六

崇道觀 有二一在龕村□赤烏間建宋治平中賜額
明洪武中重修一在覺□橋唐貞元時建元至正間
修

太虛觀 在三十一都唐天祐五年建元大德間重修
康熙志在四都

羅仙觀 在楊村宏治志唐高宗時建元大德中重修
明永樂成化間相繼修葺

太元觀 在四十八都三□山下通志在縣此龍門唐
咸通四年建相傳顏董□三仙上昇處長慶三年重

修牛僧儒有記元季兵燬明洪武二十一年重葺

迎仙觀 在五十一都宏治志在茶村吳赤烏間王郭

二真人煉丹處隋仁壽四年建元季兵燬明洪武二

十二年重修

崇元觀 在二都王山下洞口唐上元二年建觀後有

王匡二仙上昇之所明洪武三年重修

通仙廟 在王山下祀匡智同姪大郎唐天寶間立廟

宋紹興間賜額見胡銓記

萬歷志

晏公廟 在三十九都江濱舊傳以祀水神明洪武二

泰和縣志

卷二十八

雜紀

寺廟

十七

十二年建

宏治志

天符廟 有二一在縣東北宋淳熙間建元末廢一在

縣西一里許亦淳熙間建明永樂中重修

宏治志

龍母廟 在五十八都越王臺下牛吼石邊宋嘉泰間

建

龔溪七聖廟 在四十六都北郭宋嘉泰間建元末廢

宏治志

東嶽廟 在四十六都宋初知縣張翊建

宏治志

王山廟 在四十六都江灣宋紹興間建元末廢

宏治志

三皇廟 在儒學右元末立明洪武三年知縣劉昭先

重修宏治志

神惠廟 在慈恩寺右明永樂二年建以祀水神宏治志

雙培廟 在三十九都水南明洪武十二年建祀里社

之神有小塔二座俱高一丈五尺周六尺宏治志

真君廟 在十三都堵陂元至正間建以祀浮邱及王

郭二仙元季燬明永樂元年重建宏治志

忠通廟 宋淳熙間巡檢陳百嘉巡至間林跌足而逝

鄉人廟祀之明嘉靖時遠孫惟舉以分巡湖西訪故

泰和縣志 卷二十八雜紀 寺廟 十八

址復之康熙志

康王廟 在東門外宋歐陽守道康王廟記謂姓康名

保裔洛陽人祖名志忠仕後唐討王都戰沒父名再

遇從宋太祖征澤潞與李筠戰沒王為高陽閔都部

署契舟入寇戰死河間三世皆死王事新志

按俗以宋高宗嘗封康王遂誤為高宗廟得歐陽

此証甚明舊傳粵賈事甚誣妄今刪

冢墓

□墓 宏治志在縣西三十里羅秦人不知何以有

墓在比墓亦年久荒平其地人呼為羅墓康熙志俗呼為羅步田

尉遲將軍墓 宏治志在縣北梔岡世傳征海南旋師過此卒葬焉衣冠塚在王山駕鶴峰下唐匡智上昇遺衣冠葬此

盧光稠墓 宏治志在縣西越王臺東傳昔有盜發其塚土石甚堅才穿治則出烏蜂逐人盜懼而掩之
王仙師墓 宏治志在縣東二十里岡古墓旁古杉三株枝幹老怪

泰和縣志

卷二十八

雜紀

冢墓

十九

鄧神童墓 宏治志在縣東北盤古山明正統中邑人楊士竒為立石墓道

曾忠愍墓 康熙志在上總坑

宣惠王墓 康熙志錢俶第七子名惟濟葬南岡洗馬池

郎知州墓 萬歷志在西溪寺對河龍洲上康熙志元知州郎祐泰定間卒於官州人蕭貴翁捐地營葬直二十三丈地租付西溪僧供祀歲久没于豪民萬歷六年知縣唐伯元清復

劉雲章墓 康熙志名霖安成人至正間避地泰和卒
塋珠林蟠溪上楊士竒立石表墓

劉尚書墓 在金相寺右宏治志劉槎翁崧墓在三十
八都珠林蓋其本里

楊文貞墓 宏治志名十竒勅塋五十七都褚園一作
褚原

贈府尹張士美墓 在大廟前勅塋
都御史陳鳳梧墓 康熙志在車家田勅塋

王文端墓 宏治志名直初塋五十都石頭山勅塋五
泰和縣志

卷二十八

雜紀

冢墓

二十

十四都龍門之原一稱中寧岡

尹文和墓 康熙志勅塋城頭嶺
陳少保墓 康熙志在羅仙塘

封學士尹奐重墓 康熙志勅塋高龍洞
蕭尚書墓 康熙志名暄勅塋高隴

蕭尚書墓 新志名禎在欉塘勅塋
曾侍郎墓 宏治志名翬勅塋三十九都周塘

羅文莊墓 康熙志勅塋桃岡又羅用俊勅塋天柱□
□□郎墓 康熙志名達勅塋楓山

□侍郎墓 宏治志名文勅葬五十四都大塘尾之南
一作大塘尾

陳侍郎墓 宏治志名宜勅葬四十六都五陂摠坑改
葬五十七都夢陂橋

歐陽恭簡墓 康熙志勅葬武山

歐陽侍郎墓 康熙志名塾勅葬官溪嶺

封府尹歐陽誥墓 康熙志勅葬大園

羅祭酒墓 康熙志名璟勅葬白泉山

劉晴川墓 新志在四都沙村

泰和縣志 卷二十八 雜紀 冢墓 二十一

叅政嚴頤墓 新志在五十八都池塘嶺

徵仕郎嚴子容墓 新志在四十一都新庄嶺

郭子章墓 新志在井坑萬歷間勅葬又祖竒士墓在

油塘

蕭少師墓 新志名鎡勅葬胡耽答橋

祥異

晉

太康八年丁未四月木連理生廬陵東昌

謹按白下大記西昌東昌石陽遂興皆縣舊地故四

縣事皆書康熙志

太興元年戊寅冬十二月地震

興寧三年乙丑五月西昌僵栗復生

按晉書云西昌修明家有僵栗樹是日忽復起生識者謂孝武嗣統帝諱昌明西昌修明之祥實應焉是亦漢宣帝同象也康熙志

太元八年癸未三月大水

十八年癸巳六月大水

義熙八年壬子地震

泰和縣志

卷二十八

雜紀

祥異

二十二

按晉書云正月至四月南康廬陵地四震明年王師

兩討荆益康熙志

齊

建元二年庚申夏石陽縣長溪水激山麓出古木千章

按齊書記石陽縣長溪水激山麓出古木千餘章皆十圍長者一丈短者八九尺上有古文不可識江淹以問王儉儉曰江東不諳隸書此必秦漢時樹也占為世變之象按白下大記長溪出古木皆有題識惜儉淹輩未之知耳自建元至今千有餘年

□□千餘株之象文水之祥於此徵焉康熙志

□明四年丙寅四月東昌具得古鐘一

按齊書曰比歲以來東昌縣山恒發異響有一巖□

落縣民方泰往視巖下得一古鐘康熙志

梁

大寶二年辛未六月龍見

武帝發南康瀨石舊有二十四灘灘多巨石行旅以
為難帝之發水暴起數丈三百里間巨石皆沒進
軍頓西昌有龍見水濱高五丈五彩鮮曜軍人觀

泰和縣志

卷二十八

雜紀

祥異

二十三

者數萬人帝又嘗獨坐胡牀于閣下忽有神光滿
閣廊廡之間並得相見趙知禮侍側怪而問帝帝
笑而不荅南史

按淳熙志南贛之江水暴起灘石盡沒陳霸先頓軍
西昌有龍見水濱高五丈有五采色觀軍數萬人
霸先獨坐胡床於閣下忽有神光滿閣燭照廊廡
趙知禮恠問不荅尋進軍封侯景破之康熙志

隋

開皇十一年辛亥地產嘉禾

按此和氣所生也故安豐為太和事見宋徐鍇白鶴

觀碑記康熙志

唐

永泰元年慶雲見於遂興

按先時貶杜審言吉州司戶叅軍謫顏真卿吉州司

馬康熙志

元和七年壬辰五月大水

十五年庚子冬十一月大水

長慶四年甲辰十一月大水

泰和縣志

卷二十八

雜紀

祥異

二十四

宋

淳化元年庚寅六月大雨江水溢

祥符三年庚戌六月江水溢

皇祐三年辛卯冬甘露降吉州知州王固以聞

時甘露降於蕭君玉墓松子筠州推官迅建甘露亭

於墓道按府志作皇祐四年康熙志

建炎三年城隍廟大塔災時金人渡江為叛卒所焚

紹興三年庚戌飢

乾道元年癸巳夏六月縣署災

□□人有承務郎陳龍藻與諸士民出力新之□□

而就時知縣蒲堯仁也

康熙志

淳熙七年庚子大旱

壬寅夏五月大旱

嘉定五年壬申夏大水

元

元貞元年乙未夏六月大水弛江湖泊之禁

丙申二年蝗

大定元年甲子夏五月飢

泰和縣志

卷二十八

雜紀

祥異

二十五

延祐五年雷震智林寺塔

至正十三年癸巳大旱

十四年甲午大飢人相食秋疫

明

洪武三年庚戌芝生縣署秋芝生縣南陳奐家二莖白

按白下大記云芝生縣廳梁柱二莖狀如慶雲網緝

五色見邑人王子與記

康熙志

十六年癸亥龍泉寇卒至燬縣堂

永樂二年甲申大水歲飢人相食

正統乙巳四月大水壅塞田地淹沒廬□

三年戊午夏五月芝生儒學

按白下大記云芝生儒學西齋如瑤瑜瓊玖精采英

異康熙志

成化二十年縣譙門災

二十一年大水入城智林寺塔傾決天井垣為河

按河在四十二都先是民家天井中出二竹笋乃龍

角也未幾水漲決為河二十餘里今名天井垣康熙志

宏治三年庚戌春天馬山鳴是年侍郎曾翬卒

泰和縣志

卷二十八

雜紀

祥異

二十六

正德十四年吉安雨血著衣皆赤時宸濠反

嘉靖十二年秋星隕如雨是年蝗虫滿野禾苗盡災

十四年乙未大水

十九年庚子夏大水

二十一年壬寅夏旱

二十四年乙巳夏飢秋大疫

二十六年丁未天馬山鳴是年尚書羅欽順卒

二十七年社稷壇主為牧童所折一夕大雨雷霆□□

次早石合如故

三十五年丙辰夏大水

三十九年庚申天馬山崩

按白下大記云水湧出螺數石大者如拳未幾寇至

居民被禍獨慘

康熙志

四十四年乙丑六月淫雨田中稻生秧人取焙而食之
隆慶二年戊辰夏四月芝生冠朝

按白下大記云生於先王父贈尚書公竒士家園梅

榴茄瓜俱一蒂雙實

康熙志

三年乙巳夏四月飢

泰和縣志

卷二十八

雜紀

祥異

二十七

萬歷五年丁丑秋大疫

六年戊寅夏六月大水

十七年己丑夏大旱

二十五年丁酉夏四月疾風拔樹池水湧

二十八年庚子地震

三十二年甲辰十一月地震

四十二年甲寅夏五月大飢巡道吳正志捐俸賑飢有

勸借文

四十四年丙辰夏五月大水災入城內外民居盡被漂

圮侍郎郭子章代里民具呈請賑

四十五年丁巳知縣王元瑞修石磯頭聚石築砌又鑄鐵牛永鎮水患稱王公堤

四十六年戊午秋月東方白氣狀如大刀光焰數夕相傳為蚩尤旗主兵戈之象

崇禎五年壬申流寇犯境附近居民俱避城內賊欲渡河犯城見南門閔帝見身遂止

九年丙子大塔鏢飛泰邑歌記鴈塔鏢飛遭大寇

按是年歲荒知縣吳文瀛在萬壽宮煮粥賑飢存活

泰和縣志

卷二十八

雜紀

祥異

二十八

甚衆

康熙志

十二年己卯延真觀災

十五年壬午萃和書院災并焚大塔

按是年歲荒知縣劉國良在城隍廟煮粥男女就食

甚衆

康熙志

國朝

順治二年乙酉城隍廟災

四年丁亥大飢民食野菜

□□庚寅□飢竹花結食土生綠皮取以充飢

□七年庚子王山崩裂處如潰疽田廬人畜俱沒
康熙十年辛亥旱大飢

十二年癸丑天馬山鳴三晝夜次年即遭寇亂至己未
年方得寧靜

十九年庚申十月西方白氣如長橋光焰數夕方退
一十六年丁卯春雨水溢夏復大旱民飢

三十一年壬申四月恠風自東北來觀音堂鐵佛吹倒
入地并壞萬壽宮楊氏貞節坊

三十五年丙子夏五月縣署災紳士里民謀新之數月

泰和縣志

卷二十八

雜紀

祥異

二十九

而成堂宇改觀詳見知縣田惟冀重修碑記

四十二年癸未冬鄉民大疫

四十三年甲申夏五月贛河水溢入城大飢

五十二年癸巳夏四月大水入城至儀門深五尺壞縣

前屏牆民大飢

五十五年武山北懾石龜鳴夏大旱詳雜記

雍正十一年癸丑五月雙鶴樓災

乾隆八年癸亥旱大飢民多食土

十四年己巳四月麥有秋

八月真武閣災

十五年春二月學宮雙桂並實

泰和縣志

卷二十八

雜紀

祥異

三十

泰和縣志卷二十八 終